

A dì 8. Fo *etiam* pregadi; et non expedita la materia.

A dì 6. Fo *etiam* pregadi. Et fo leto il sumario di le lettere, è questo:

Di Roma, 29, 30 et 31. La morte dil cavalier Orssino a presso Val Montone, andando a Napoli, per facende di la caxa, da 6 incogniti. El papa havea mandà per far processo, et era venuto in luce esser stà commesso per uno romano per rise private tra l'oro. Di reame, el principe di Rosano, *quamvis* se havesse dato a la fede de' yspani, era stà mal tratato da l'oro, *etiam* con universal displicentia de i regnicoli dil governo e portamenti de' yspani, et desiderano Franza. *Item*, dil zonzer a Roma un homo di auctorità, yspano, mandato per i reali per giudice et governador dil reame, qual è nominato

Item, discordie tra luchesi e fiorentini per le cosse di Pisa; et che la pace tra Franza e Spagna è risolta.

Di Spagna, di l' orator, di 15 avosto, date in Medina dil Campo. Come quelle alteze erano stà amalate, poi risanate, et doveano andar a mutar aere. *Item*, il zonzer di le nostre galie di Fiandra, di ritorno, capetanio sier Hironimo da cha' da Pexaro, in Cades, el mese di luio.

Di Germania, di sier Francesco Capello, el cavalier, orator, date Come el palatino praticava tregua et acordo, perchè le cosse sue andavano sinistre con il re, con perdita de stato; et suo fiol Lodovicho era zonto a Yspurch da lo archiepiscopo maguntino per ditta causa.

Da Faenza, di sier Piero Marcello, provedador, di 3. Come le gente dil papa haveano fato la mostra, si dicea per transferirse verso Perosa, per l' aviso che Zuan Paulo Bajon era stà preso da' fiorentini; et *etiam* per sedar i tumulti in Ymola, per i castelani, con favor di Zuan di Saxadello. Castelani duo vi sono in Ymola, uno dil papa, l' altro dil cardinal San Zorzi. El papa era stà resentito di gote e franzoso per alcuni di, *tamen* era guarito.

Di Hongaria, dil secretario nostro, di 9. Come era aviso, il turcho haver auto rota da certo signor a li soi confini. *Item*, dil zonzer a li confini hongarici uno orator turcho. Il re era resentito di febre, per aver preso stracho a la chaza.

In questo pregadi fo tractato la materia di Alexio, si 'l se dovea dar al turcho *vel ne*; et cussì in li altri pregadi fo varie disputatione, come più dif-
25 fuse dirò di soto, hessendo fuora di la terra, a Moncelise. Pretermeterò scriver alcuna nova sequita in

questi zorni, per non vi esser da conto: fo letere di poca importantia etc.

In questi zorni, a di ..., la note si brusò la chaxa di sier Nicolò Dolze, nuova, ai Crosechieri, bellissima. Ave assa' danno; et pocho manchò non se li brusasse le sede, per valor di ducati 7 milia.

A dì 12. Fo pregadi. Et havendo auto la Signoria letere di Faenza, come a Bologna era manchato el vescovo di Faenza, ch' è di natione bolognese, et vechio, subito la Signoria volse far denominatione in pregadi di uno, et il scurtinio sarà qui soto posto, *tamen*, da poi expedito le letere a Roma, vene aviso, ditto episcopo stava meglio e non era morto. Or *accidit*, che la Signoria ne elese uno, li canonici di Faenza ne elese uno altro, faventino domino Jacomo. El papa inteso questo disse: È bon per il nostro Castel di Rio, suo thesorier, *ergo* son 4 episcopi di Faenza computando el-vivo.

A dì 12 septembrio, in pregadi.

162 Nominati episcopo di Faenza.

El venerando domino Zuan Francesco Erizo, benemerito, <i>quondam</i> sier Antonio,	504.107
El venerando domino Piero Corner, camalduense, <i>quondam</i> sier Marcho,	83.103
Reverendo domino Zacharia Trivisan, prothonotario apostolico, di sier Zuane,	49.100
† El venerando domino Bernardim Marzello, <i>quondam</i> sier Francesco, <i>quondam</i> sier Jacomo Antonio, cavalier,	123. 32
Reverendo domino Anzolo Michiel, canonico trivisino, de sier Alyise,	48.102
Reverendo domino Marco Antonio Foscarini, episcopo di Città Nova, <i>quondam</i> sier Bernardo,	79. 79
Venerando domino frate Agustino da cha' da Pexaro, di Servi, <i>quondam</i> sier Hironimo,	72. 83
Reverendo domino Christofal Vituri, prothonotario apostolico, <i>quondam</i> sier Andrea,	30.127
Reverendo domino Zuan Zuliam cubiculario dil papa, <i>quondam</i> sier Marco,	40.116
Reverendo domino Francesco Balbi, prothonotario apostolico, <i>quondam</i> sier Jacomo,	54.106